

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. An & cur in Paradiso etiam non fructiferæ arbores fuerint?

urn:nbn:de:hbz:466:1-45686

inarata ferebat; fœcunda pariter & ornata. Siquidem, præter huiusmodi humiliorem telluris gratiam, & quasi vestem elegatissimam, aderat etiam maiorum copia plantarum; ramique arborum folijs venustissimè strepentes, & fructibus gratissimè onusti. Quis stirpium fructiferarum ordines? quis succorum & balzami odoratas lachrymas? quis lignorum perpetuò virentia amoenitates, quis cælum æquantes & voluptatis caussa conditas arbores, dignè possit oculis subiçere? Ibi platanus irrigua; sublimis abies, excelsæ pinus, spirantes cupressi, vlmique circa quas hedera serpebat nigris prædicta folijs, corymbos quatiens; ibi florentes oliuæ, dulcescentes fici, amygdali pingues, quercus vmbrosæ ibi pulchra cerasus, mellea palma, malus citrea: seu ut nunc vocant Medica; & ea, quæ aureis pomis relucet: ibi viris racemorum mater, & palmitum implexi ordines, inter quos hærebat liuens vña succum ne Etareum continens, & gemmæ instar, folijs interlæcens, sole in eam partem incidente. Ad hanc formosam arborum plantarumque mixturam accedebat suauissima in umbratio viarum. Nam vicinarum rami arborum sociati, velut porrectæ manus, mutuò se contingebant, & folia sibi allubentia, amabilis complexu, excipere videbantur. Vento autem in ramos ac frondes delato, suauissimum quoddam murmur foliorum efficiebatur; cui vitam addiderunt lusciniæ, & canoræ voces aliarum auicularum se alternatim prouocantium, & vincere cantu conantium. Quid verbis exprimere labore, quod nullis sensibus satis ibi potuit percipi? Omnia in summo erant. In pratis herbæ decorem vernum; in fruticibus coriandrum, cucumeres, pepones; in arboribus rami maturos vndique fructus; in bestijs natura hilaritatem; in rebus omnibus hortus perfectionem habebat. Non extabat quidquam expers gratiæ venustatisque suæ, non quidquam imperfectum.

Etsi enim quasdam arbores nominauimus non fructiferas, quas aliqui censem, vel in Paradiso non fuisse, vel fructiferas extitisse; haud tamen illis accedimus. Quis enim non verisimiliter existimet, tot tamque præclaras arborum species Paradiso non defuisse? quæ etsi fructum non gignant esui humano idoneum; sunt tamen ad multa utiles, sunt aspicientibus gratae, sunt ceteris interserteræ oppidò elegantes. Caprifoliæ, sicut scribit Plutarchus,

nunquam

IX.

Beda in
Hexaëm.

nunquam maturescit; sed tamen utilis est, gignit enim culices, qui deaolantes ad veram sicum, perosso fructum cortice, in maturitatem educunt. Xerxes in Lydia, cum vidisset proceram planum, diem solidum, ad eandem, exegit, nulla postulante necessitate, & castra posuit, circa illam; quin & curatorem ei reliquit, quasi custodem. Erat & Romanis haec tam grata arbos, ut eam vi no irrigarent. Quis judicet Paradiso indignam? quis vlmum, laurum, abietem inde excludat, quas regum delicatissimi, siluulis horrendibus intulerunt? Multoque incredibilius est, has tales arbores tunc fructiferas fuisse; post peccatum autem Adami, fructus ad esum aptos ferre desisse. Si enim lapsus ille ipsius hominis naturalia bona non extinxit, cur bona arborum plantarumque abstulisset? aut cur aliarum arborum fructus tam dulces reliquisset? sufficerent peccatoribus malua, squilla, faba, caules & glandes, asphodelus, & lupinum, si ita Deus eos punire voluisset. Certe divina historia affirmit; Deum produxisse, in Paradiso *omne lignum pulchrum visu.* At multa sunt ligna visu pulcherrima, quae fructuarent. Nempe fructus est etiam optimus ipsa pulchritudo. Ezechiel quoque testatur, in Paradiso, cedros, platanos, & abies extitisse. Quare cum dicitur; *Deum produxisse omne lignum pulchrum visu,* & *ad vescendum suave;* item; *Ecce dedi vobis omnem herbam afferentem semen super terram,* & *vniuersa ligna, que habent in semetipsis sementem generis sui,* ut sint vobis in escam, & cunctis animalibus terra: itemque, *ex omni ligno Paradisi comedere;* ea in sensu disiuncto, non coniuncto sunt accipienda; hoc est, non de omni herba & ligno absolutè, sed de omni planta ferente fructus ad edendum opportunos. Constat profectò, aliquot esse plantarum seu lignorum genera, quae non sunt pulchra visu, & tamen fructus admodum suaves pariunt, vt vitis, cuius lignum ad nihil valet, nisi ad ignem nutriendum. Ut ergo Paradisus palatum oblectaret, arbores habuit pomis alijsque fructibus onustas; vt oculis afferret plenam voluptatem, plantas exhibuit sola florum, foliorumque venustate blandientes.

Ante omnes tamen arbores vnica erat omnium nobilissima; atque ea propter, tanquam cor, aut centrum, in medio Paradisi collocata, longè yriique & natura, & effectu, ab his mortalibus